

兩浙輶軒續錄

兩浙輶軒續錄補遺卷三目

沈詩李 車向榮 吳安世 林國翰 吳世驊

蔡 鉦 楊執禮 鄭景濂 盧 鍾 聞人煜

徐 梅 孫仰曾 李 榮 張 淦 吳炳孫

錢 榕 陳樹楷 陳嘉穀 徐兆桂 毛一誠

周 濂 朱 昇 韓學乾 盧登榮 陳 渭

陶乾堯 來唯寬 梅人鑑 朱觀光 吳應璇

許永鉦 朱廷偉 徐秉文 高樹程 翁承高

汪嗣勳 陶廷珣 汪三益 周 昶 張國華

葉龍官 錢本禮 陳修可 周由厚 周大受

姚 禮 許心坦 周喬齡 顧光烈 諸以培

王 錚 王 錫 王 槐 支 元 謝廷燮

王廷璋 王夢熊 戴 鎬 周 整 王又曾

馬 珩 蔣承培 戴光曾 褚令德 王 錦

計飴孫 孟 彬 朱埏之 王 綱 馬用俊

吳無忌 潘潛昭 許之愷 朱紹穆 汪誦棻

沈 浩 陸載熙 盧登焯 周沛蒼 褚錦春

何柏章 何枏章 何楷章 許傳考 王作賓

樓廷奐 鄭遵兆 陳景初 潘 朗 朱新沛

謝 偉 陳 濤 陳 本 謝 礪

兩浙輶軒續錄補遺卷三

督學使者潘衍桐訂

沈詩李

字景白號少亭會稽人乾隆己丑進士官安徽徽州府通判

孫德源曰先生父石庵文學精書法有善行孿生先生及弟詩仕佳序時有雀集屋上鳴因分雀字為之號竟同榜咸進士同治初余以故廬盡于燹卜宅小皋部寔先生舊第也至今其宗人聚族而居多有能言其事者

送徐邑侯燮園遷官山右

桐鄉回首惠心留去去甯嫌斗大州三晉巖疆須更健十年

劇縣仰才優

公由象山調山陰任最久

守邊士庶俟新政臨汝凋殘媿故

侯

李昔宰魯陽密邇公邦族今歸十餘年矣

猶幸追陪開老眼喜看鯨浪跋高秋

車向榮

字半林號辰山仁和人乾隆庚寅舉人官嘉興教諭著半林吟草

杭郡詩三輯半林住塘西始游富察文襄王幕幾十年才華冠一時閒參謀畫深所倚任晚年覃研經史時以吟詠自娛

句壘

唐樓鎮東北十里相傳越王軍壘所

昔有長頸王保棲會稽甲五千事吳圖沼吳臥薪嘗膽不計
 年迤邐築壘到茲土非恃壘堅恃心堅此時姑胥撤軍壁只
 記美人不記敵

王莊基

相傳為南宋福王與芮莊院故基元初里中陳姓佃之為墓今花園墳是也

米季繁華推福邸兄天子與子天子棲水離宮縣數里洗馬

池中躍春鱗臥龍橋畔埽夏蟲

相傳橋為王納涼所夏月無蟲

王車過處空

苔痕花園遺址佃為墓如今墓又踏成路海田陵谷那可數

吳安世

字季儒號閻齋錢塘人乾隆辛卯舉人官餘姚教諭著綺園詩鈔

曉渡沂河

荒村薄酒微微醉孤館殘燈耿耿明海日漸紅山欲睡霜風
 凝白水無聲沙邊野鳥凌寒浴天外征鴻向曙鳴坐擁敝裘
 還凜冽忍看赤腳踏冰行

林國翰

字衛宸號小竹錢塘廩貢

杭郡詩續輯小竹尊人上舍生大綸工詩精賞鑑蓄名蹟甚夥與陳太僕兆崙杭太史世駿相友善文酒過從恆令小竹侍得承餘緒以能文名惜上舍詩無從采獲也

癸卯春無軒同門出湘管齋圖照索題卽用聯吟韻

詩人愛結數椽屋更喜美花多映竹齋名湘管足幽棲千个
吟風夏寒玉與君交好二十載談讌清懽杯瀉綠披圖玉貌
抗塵容畫手蕭然仿石谷耽書揮灑日臨池寓賞雲煙時過
目丹黃矻矻搜討勤片羽碎金俱入錄聯吟一刻富佳篇附
驥無詩毋乃俗含毫借韻一題之想見清風茗水曲娛情可
配有竹居參禪莫羨燒豬肉瀟湘四壁畫淋漓擬到君齋對
深穆

吳世驊

字稼軒號鶴園錢塘諸生

吳振棣曰稼軒家業鹽以商務議敘得鹽運司運同銜性喜吟詠日手一編如寒士也

十三閒樓懷古

南朝蘭若四百八劫換紅羊無一刹層樓何有十三閒草綠雞翹春雨滑治平改額金重鋪連葢紺碧戶網朱錢氏買鏡歸北宋坡公築堰來西湖西湖名勝天下無坡公為政神人愉茲樓間憩亦偶爾令人千載思良圖不見樓前隄姓蘇

蔡 鈺 字寶器號懸圃錢塘人

借雪橋訪沈桐溪丈

忽忽東風晚沙河景尚妍樹陰涵水綠山色抱城圓別緒已三月春情又一年相逢殊慰藉吟趁落花天

楊執禮 字以立號羅石山人錢塘諸生著羅石吟草消夏雜詠

吳振棣傳略羅石未弱冠侍其尊人易葬客姚江與邵與桐晉涵同游于周廣文衡齋之門麗唱妍酬一時有

揚邵之目後彙其詩曰如蘭集又與錢世錫百泉錢蒙
菽原吳顯德頤庵有歲寒唱和詩其酒陽應酬雜著彙
存雜文之外亦
附以詩詞也

將歸杭州示邵與桐 晉酒

芳草萋萋春日遲
離情不盡欲歸時
兩年潦倒江東客
百首賡吟硯北詩
此夕山樓同促膝
來朝煙櫂起相思
茫茫後會知何地
淚溼縑衫酒不辭

鄭景濂 字培茂
錢塘人

冷泉亭

消夏過山亭
石罅泉聲咽
喬木颯高寒
清風灑寥泬
呼童持
茶鑰
掬水烹香雪
坐待月華明
彈琴伴清絕

盧鍾 字恒山號東
軒錢塘人

築室數椽詩以落成

居近吳山遠市譁聊成斗室不求奢碧搖雲影數竿竹紅絡
 春風一架花曲徑久荒因築砌小窗初就未籠紗道人自問
 堪娛老閒誦黃庭到日斜

聞人煜

字炳南號南亭錢塘貢
 生著燕石吟二十四卷

杭郡詩續輯南亭好為詩橐經五次刪削尚積二千餘
 首論左吟評詠史草論列得失務漸平允擬古一卷居
 然六朝
 人口吻

擬古

張鐙啟高會乘輦過華池碧水光皎皎皓月影遲遲風來動
 梧葉雲散明松枝美酒良足飲及此歡樂時主既發高詠客
 亦酬新詩逍遙快心志何必竹與絲仰聽飛鴻聲忽焉觸我
 思其保千秋意庶幾其忘疲魏文帝
 游宴
 西峯銜日御東海升月娥歡樂朝更夕相與珍時華飛蓋林

閒拂迴輦池上過玉夏蒼葭竹珠翻的皜荷金鑪香裊煙瑤
瓊酒流霞感今侍嘉宴食德叨飲和涼颿搖燭影佳興寄笙
歌愧無綺麗句安能繼陽阿

劉楨公謙

高山出雲氣遠水接煙光振翮鳥飛逝伏鱗魚潛藏日月有
代謝今古誰頡頏隱几慕南郭立陞懷東方端倪終不露秉
道以徜徉

嵇喜答弟

入山樂忘返但覺松風清舉目千花發側耳一水鳴鳥從澗
底度人向樹杪行結廬雲深處澹然隱姓名我欲此閒住相

依訂交情

帛道猷採藥

徐

梅

字樸人錢唐諸生

錢師曾傳略樸人性素狷介居南山滿覺隴足跡不入城市慕孫太初之風節過適興處便有題詠惜詩多不傳

寓林 黃汝亭結廬讀書
在南屏小蓬萊

殊榮肯謝意何深合與青山作賞音浮世著身原似寓倦游
如鳥總歸林門無車馬應高臥座有琴尊愜素心最是閒情
消不盡一湖煙雨入豪吟

孫仰曾 字虛白號景高仁和歲
貢候選鹽運司運同

杭郡詩三輯景高父宗濂曾構壽松堂五楹藏書數十
萬卷乾隆時

詔求遺書景高曾舉善本進呈
特賞佩文韻府全部刷進乾道臨安志三卷蒙

賜睿題輝煌簡端傳為嘉話性耽金石仿寶晉停雲韻事真
集宋棊閣帖珉石於寶石山麓構莊以度之莊以山名

春秋佳日蕪薌淪著
養病其中泊如也

泛舟舉亭山下作

夾岸春陰濃泛舟及亭午載夢過橋西
伊啞攪柔艣酒醒覺
微寒衣上桃花雨

李

榮

字鳴和號散
牧仁和人

張與仁傳略散牧弱冠工書兼精六法出應薦辟于殿
記文詞婉約清麗風流跌宕不減應劉嘗依某公論成
絕域匹馬出居庸關高歌痛飲有幽并豪俠之風中年
客滬瀆金迷紙醉名滿江湖詩畫淋漓筆歌墨舞曉應
粵東轉運之招歿于嶺表綜其生
平梗概絕似其家檀園後身也

京江懷古

絕巘排空四望收茫茫終古海雲浮花殘玉蕊朱厓老塔聳

金支鸛鶴秋草長西津猶喚渡山圍北固更名樓孤臣我獨

悲忠簡只占南徐土一邱

張

淦

字儀查仁
和諸生

陳嘉穀傳略儀查壯游萬里嘗從福郡王出師臺灣又
從吉制府征苗至西隆州渡紅水江磨盾草檄橫梁賦
詩久歷絕塞窮邊故所
作多激昂慷慨之音

江行

出岫雲輕飄若絮下灘舟疾去如梭
碓聲黃葉村邊急人影
蘆花梢上過

吳鉞孫

字堅士號少谷仁和諸生著晚翠亭稿

山家

小小柴門傍石開翠微環處絕塵埃
重簾高捲放雲去枯葉
亂飛疑雨來古徑夜寒山鬼嘯
深溪秋漲毒龍回羨他樵子
能行樂斫取青松換綠醅

錢

榕字遁香琦子仁和人著遁香小草

試燈夕雨雪同大兄小飲

舊事評量意惘然與君同憶十年前
雨雲覆手全無謂蠻觸
爭蝸絕可憐對景且商行樂法逢場
小費買鐙錢莫教著意
增惆悵試看明宵月又圓

陳樹楷

字聖達號菴園仁和詩生著敗皮集粵遊小草

余煜傳略補圖與兄樹基俱有聲庠序嘗主玉山豐溪書院湖州端明書院學者翕然從之暮年喜習靜藝樹種蔬意有所適發之干詩

白雲庵小憩

傍湖開院宇幽趣是中深清磬有時響白雲何處尋禽魚如
寫意槐柳迴浮陰來對高僧坐渾忘日影沈

憶故園

自別鄉園問訊疏聞花野草近何如來居洞口幽人宅想到
江南處士廬脩竹青浮朝雨後小山翠滴午晴初棲遲長得
衡門閉一盞新茶一卷書

陳嘉穀

字雙旌號穀泉仁和歲貢

杭郡詩續輯穀泉工六法得元人派

仿華新羅筆意即次其韻

雨歇西山煙未收竹陰深處有高樓
蕖塘秋水添三尺花落

不知風已秋

徐兆桂 字詒若仁 和諸生

過錫山停舟小憩

此地無車馬何人掩篔簹
門白雲山半寺紅葉水邊村
野曠牛

羊集天寒鳥雀喧登臨少同志
倚棹聽潺湲

毛一誠 字雲程海甯諸生 著文炳堂臙草

應時良曰雲程友于兄弟以備書贈其家數十年不析
戮親串無力葬親者常資助之工吟詠阮相國督學兩

浙曾選
刻其詩

蠶詞

綠楊影裏閉蠶房蠶過三眠少
婦忙忽聽夜闌爭食葉夢回

疑是雨浪浪

縑車軋軋響山莊二月新絲價正昂莫羨人家著羅綺阿儂

換得半年糧

周

濂

字霽光號讓谿富陽增生著草園詩集

周凱撰行述先大夫為水發而沖和好為親串排難解紛乾隆戊申夏遂安水發屍蔽江募漁舟亟往救捐資吳櫬斂瘞嘉慶庚申秋武義水發亦如之癸亥夏大旱米騰貴出千金平糶價遂平又嘗葬梁氏九柩於杭州三台山之麓樹碑碣焉乙亥春三月富春饑先大夫復創議就本坊按戶口平糶每坊效之月餘官糶常乃止

穀花軒賞牡丹

清明酒熟成佳釀穀雨花開不後期三兩者翁渾得意年年

白髮醉題詩

朱

昇

號東山桐鄉諸生

題王秋海水村圖

浪花搖夕照孤艇出橫塘不似桃源境分明五柳莊

韓學乾

字在清號封田歸安人著榕齋吟稿

吳翌鳳曰封田為前明求仲行人之後來吳申居城西石子街背城小屋詩經孫定叔指授又嘗與裘雲門倡和故格律嚴整令子仲孺工書季照工畫一門風雅人爭豔之

滄浪亭

小亭木末覆如螺松檜蒼蒼帶女蘿一自樓臺互阡陌遂令城市失巖阿吳姬聯袂穿花出朔客呼鷹遶苑過長史祠邊溪水注臨流空憶濯纓歌

盧登榮

字豐堂號定齋鄞人著定齋詩存

家傳略公少讀書目光炯炯為文援筆立就性篤摯與人交有肝膽嗜酒好談禪詩詞皆工嘗賦秋菊臘梅再疊高青邱詠梅原韻皆擊鉢立就

慈湖春望

行行出北郭遙望慈湖春
句萌坼枯樹漲綠浮青蘋
時禽變隄柳閒花襯草茵
春風鼓和氣萬類同一仁
登臨當令節脩禊乘芳辰
大化所涵濡區區有此身
盈科覩川流不息何頻頻
緬彼楊公宅即慈湖先生千秋誰與鄰
高風深仰止遺蹟空水濱

陳

渭字樂漁號小巖山陰人著樂漁詩藁四卷

吳翌鳳曰小巖為陳無波徵君曾孫所居即徐文長青藤書屋工填詞亦好為詩借中年早世

雁

爾亦悲秋者天涯共遠征
聲隨關月墮夢與塞雲平
辛苦謀梁稻艱難問弟兄
帛書何處寄振觸故園情

秋夜有懷

一水吳淞隔若耶偶嘗越釀倍思家雁飛南國無芳艸秋老
西風有菊花十載情懷疏舊雨一樓消息斷悲笳孤吟徹夜
難成寐冷寂詩魂燭影斜

陶乾堯

字天衡會稽諸生著秋
心草閩游草閩游續草

一自

一自來商邑三秋但苦吟人情防射影善道慎居心世德宜
毋失時名未可尋露寒螿正美鄉思劇難禁

來唯寬

字西爽蕭山諸生
官直隸清河知縣

家傳略公嘗官知縣有德政邑遇荒歉毀家散振坐是
家落卒時賴資助成險今後人甲科已及三世議者謂
濟眾之報

秋花

煮泉細品火前芽夜淡無雲月欲華團扇風來香味好石池

剛發白蓮花

梅人鑑

字文衡號廷菴天台處貢
著思鳳樓詩鈔十八卷

天台詩錄題菴先生弱冠為齊息園少宗伯所賞山左
李源尤極稱其詩文太平成鶴泉亦謂先生議論人物
不差累黍而
筆足以達之

題六鵠圖

春秋來巢書所無由來斯鳥不踰濟吾鄉十百常為羣古今
善畫者有幾雨亭先生妙入神六鵠飛鳴楊柳春一鵠飛下
欲栖息一鵠仰頭如人立一鵠上奮羽參差一鵠倒向呼同
枝兩鵠並坐背梳翅意態不齊各自恣先生圖畫我詩章寫
真欲活兩相忘能言莫教作人語坐中恐有艷鼻者

過魯都憲墓

百仞虬蟠削劍鋒墳埋荒草若堂封鐵冠霜冷深秋月石柱

陰移暮嶺松物論應歸隨武子碑文無媿郭林宗千年鶴去
空惆悵迴首一聲山寺鐘

朱觀光

字孟觀號柯亭天台廩生著鵬鳴吟

天台詩錄柯亭作文如岑彭破荆門風雲揮霍從天而下詩特其餘耳而不永年惜哉

為東陽倪君肇如題其祖父三世封股册子

洒然寒澗清離披森孝竹旁有倪氏居水雲環古屋田為孝
子耕三世歡歎菽當其侍藥時禱爾卜握粟但祈病者痊何
計一塊肉呼天刀發斲嗟嗟耀兩目竟以方寸心迴天綏後
祿傳子子傳孫家風相嗣續我見式穀者其人淡如菊器宇
豈凡庸有後前所卜嗟哉子道衰自立忘鞠育曾無愛日心
空言悲風木請看茲澗旁孫枝長攢簇

吳應璇

號衡齋東陽諸生

暮春題壁

閒散耽鄉國蹉跎藉草茅無營忘老大不宦謝知交粒少雞
仍啄松枯鶴不巢手編周易在卓犖啟符苞

一函茶啟局雙鬢如銀雖伏應憐我蠅營且任人顏心叨
獨樂憲肘敢言貧恰有陶情物隄楊散麴塵

題壁須揮翰開門值懶春啼桃方涉水分菊或祈鄰篆藉龍
涎蔚籠提雀舌新詩賜原不垢完得本來因

許永鉦字靜士號樸庵東陽人著樸庵集

陳鳳舉序略樸庵詩大抵率其胸臆寫懷古勵俗之情語質意真簡而彌當即其言可見其人

盧行仁撰行狀君幼嗜學王崑友稱為及門之冠以嘔血不應舉好賓客禮賢親仁日與正人居身既受益子

孫亦知模楷性至孝喪母哀毀骨立不數月卒

緝雅堂詩話宋元之世兩浙書院最盛迄明未衰人才眾多名教攸繫紹衣先生所為碑記凡數十通先輩拳

卷之三
同時觀其遺詩知非俗士矣

述懷四首

人生各有本莫重敦彝倫梓匠納規矩軌轍宜遵循煌煌古
懿訓能使民風淳禔躬在實踐典籍非徒陳我懷純慤士意
維修厥身侈口說文藝毋乃亡其真

誦法古先民務於心有得精進勤探討至理藉窺測如何騁
言詞而以外塗飾始事肇春華收功在秋實所以古之人以
書爲糟粕勿徒耗精誠勛哉崇令德

治經扶經心非徒供驅策持論卽可嘉所務在精悉師古而
味今執拗徒佐僻生心害於政斯言莫之易今古須爾忘要
以當爲的商榷到闔閭尙資有生益

炎夏亦已謝大火從西流四序互推遷羲和無停輦聞雞夜

起舞使我心煩憂
夙昔志建樹所期在前
修竟成驚駭質
髮紛盈頭何以慰吾生
一酒居恆羞

金華麗正書院

有序

宋呂成公嘗與子朱子張宣公講學於麗澤堂今合麗澤書院崇正書院爲麗正書院

道脈依然衍婺州
春風化雨若爲留
千家皎月雙谿水
那有文章入詠樓

東陽石洞書院

有序

宋郭欽止建延葉水心講學其地屬僞學禁子朱子嘗四至書院學庸章句寶成於此已復有郭氏五箋欽止銘並南城吳氏所畫朱子像俱在

當年曾此卜行藏
遺像于今奉紫陽
傳得孔庭薪火在
六經

終古熱心香

永康五峯書院 有序

五峯卽壽山宋淳熙閒子朱子同呂東萊陳同甫呂子陽講學於此有兜率臺三字係朱子手書訖明爲王氏學者如應石門程松溪盧一松許竹岩程方峯復設席開講終陳春洲陳蘋齋先生

凝秋翠壓五峯堆筆力猶高兜率臺借問紛紛談學術可能離得孔顏來

浦江月泉書院 有序

書院卽子朱子提舉浙東常平時行部所至與呂東萊講學地宋末義烏令吳渭偕方鳳謝翱吳思齊倡爲月泉吟社徵詩浙東西後建書院

故蹟試尋月泉社當時方謝幾遺民卽今已布絃歌化試向
源頭一問津

蘭溪仁山書院 有序

書院係金仁山先生講學地今廢

林壑盤桓一老儒日斜古院獨踟躕直從海運開洲島纔識
先生計不迂

東陽八華書院 有序

元史載白雲先生講學於東陽八華山今先生祠卽
其地也前明正統閒白雲四世孫彥洪重建

國朝乾隆元年余復倡族人拓其廡廡

道啟人倫標五性風高婺學景三傳冲襟淡旨獨堪挹理是
先天學後天

朱廷偉 字咸熙 武義人

水簾亭

來訪鴻儒宅任情過碧隄峰閒秋月淡亭外白雲低水逸山
光靜煙浮草色迷清風寒澗底對此有餘懷

徐秉文

初名公鑄字玉成號相山又號敬亭天台人乾
隆乙未進士官廣西思恩知縣著典學齋詩稿

天台詩錄敬亭先生最矜名節以耿介忤上官罷歸詩
中惟餘初任時黃太史贈衣久之祝

師復職韓城相國偶戲言官非錢不行先生進曰公為
宰相此風不能革耶漕使管松崖嘗傲古人摘句圖錄

其集中佳句以去
其為時所重如此

烈婦吟

烈婦王氏臨海芙蓉村人夫早死父母欲奪
其志烈婦往哭夫墓縊死墓木乾隆時事

東嶺有鴛鴦戢翼相思木南海有烏衣雙棲玳瑁屋嗚呼未
亡人婉變成獨宿雁孤想故雄魚散不比目心已挾冰霜首
豈留膏沐父母曾不諒風雨同一哭夫也苦陽九妻也甘百

六怛然縊墓門死所在空谷義重命乃輕身亡魂不獨重泉
敘離情皎皎見心腹江月抱恨多同穴自爲福匹婦礪貞操
天子表賢淑從此芙蓉里千秋芳馥馥

文明書院懷息園先生

轆轤世上事變化孰司諸今日文明館當年宗伯居西州驚
一慟東壁失藏書補腦生機僅捶心忠袞虛海濱風病鶴庭
內雨飛魚巷似烏衣古人誰阜帽餘綠苔猶映閣寒滴忽飄
除桃李堪新種門牆總舊閣萬松成夢幻四教竟歸墟尙見
趨庭鯉徒傷蝕月蝨追思射斗劍獨悵草元廬蕭瑟疑絲竹
傍徨肅珮琚

高樹程

字斬至號邁庵瀛洲子仁和人
乾隆丁酉副貢著邁庵詩集

俞理曰邁庵自號煙蘿子晚署高髯善畫山水爲奚蒙
泉所深賞嘗題其剡溪山色圖云胸中浩氣筆端赴欲

使蒼渾生虛明傾倒至矣
兼工渲染花卉尤稱于時

辛酉立秋日同趙素門周松泉訪屠琴隴清平山

長林溼翠擁精藍有客高吟正閉關近局最宜文字飲後時
應號讀書山坐沾花雨諸天上臥看煙雲尺幅閒

是日余與松泉各為

一底用拂塵塵自淨秋光不負此躋攀

萬籟迢然入靜聽倚闌還喜鵲梳翎松陰蓄雨連山黑石氣
和煙到地青自有巖花供釀酒不妨禪榻與繙經幽居勝事
年來少忍向人閒較醉醒

翁承高 字誦芬號柳湖又號可漁
仁和人乾隆己亥舉人

杭郡詩續輯柳湖性豪邁喜為山水遊時窮幽勝尤嗜
古硯所蓄有紅絲硯極佳攜之北上渡黃河失墜百計
覓善酒者求得之

羅浮清夢圖

鐵橋西畔見冰姿，悵恨餘芳付阿誰。
玉笛乍吹仙夢杳，銅荷相對漏聲遲。
愁生酒醒香殘後，吟到參橫月落時。
追憶惘然成隔世，碧峯四百總迷離。

汪嗣勳

字呂友一字橋公仁和人乾隆己亥副貢湖南候補州判著繼芸軒遺集

杭邵詩三輯橋公與弟慕岡學博幼皆從周皆山先生錯游中歲以副貢就職楚南歷署湘鄉臨湘縣事

立春雪霽喜施羅陽至

五夜聲喧爆竹催，天寒曉霽凍雲開。
草堂殘雪客初到，籬落早梅春又來。
近市不難供一饌，閒居卻喜釀新醅。
莫論世上寒暄態，祇合敲詩遞酒杯。

陶廷琬

字韞川號南園會稽人乾隆辛丑進士官貴州都勻知縣

陶濟宣曰家篁村先生以詩名海內數十年總角時卽與伯兄秋佳先生相唱和朝陰暮晴未嘗間斷壯遊吳楚燕趙晉秦閩粵閒或並轡同賡或郵筒寄答其長君午莊諱廷珍次君南園諱廷琬孫春田諱軒復踵武能

詩各樹一截聲震東中島亭先生杜門弦誦祖倡孫嗣
 一庭怡怡繼繩不絕因集祖孫父子兄弟唱和諸詩葉
 刻之日天倫樂事凡五卷較之西堂夢草之編李家花
 萼之集尤為一門盛事秋佳篁村午莊三先生詩阮刻
 均採入錄南園春田詩集久佚今蒐輯叢殘以存梗槩
 又按族祖式南先生諱及申之詩已著阮錄其祖聖水
 先生諱思胤尤工詩時與西園十子齊名
 惜遺稿無從蒐錄附志於此以俟續訪
 三月三日鋤月先生設讌湖莊招余侍家大人暨伯兄
 同往余適東渡未及赴會今來讀其修禊一詩賦此

酬之

湖山明秀圖畫真桃花潭上逢汪倫我居咫尺為比鄰分賤
 酬唱來往頻三月三日天氣新用少陵句慇懃邀我坐綠筠卹廚
 膾炙赤玉鱗筵前杯泛羅浮春當年壘聚苟與陳元方捧杖
 季御輪自慚涼德輸古人無緣求座稱嘉賓琴亭酒榭絕點
 塵惠風詎減癸丑辰指雖未染心飲醇高篇七字逾八珍竹

外重來話勝因猶餘花雨沾衫巾

題汪龍莊環碧山房圖

去年招我書畫船水梭花熟開春筵今年訪君人日前落日
如餅月上弦謝家青山如比肩村落三兩鐙火連淨不可離
綠可憐紙窗搖動琉璃天龍莊居士夜不眠掉頭拍案手一
編就中一室尤靜便佳兒稚誦秋水篇我登其堂履錯然省
除俗例拜跪捐有母白髮歐柳賢肅恭起居童子傳中廚夜
舉曲突煙急治茗飲烹肥鮮長廊小樓坐屢遷過牆柔櫓聲
清圓釣車在戶池沸泉固知此屋圍淪漣戴逵平生家剡川
王維輞口饒溪淵海昌客邸癸巳年口授畫橐摹潺湲逢入
乞詩如慕羶鐙前索我長韻鐫山房卽事誌後緣我詩生澀
墨再研村雞三鳴毋少延

七里瀧

江勢忽如帶雙壘一澗通巒光射篷碧柏葉夾檣紅把釣懷
嚴叟聽鷓憶戴公好山無數至渾似剡溪中

雪夜舟泊瑞洪

餘干城外亂飛鴉入夜空鷺月在沙但覺布衾寒似鐵那知
枯木老生花愁無消處還呼酒夢不成時只憶家坐到平明
欣雪霽打冰已有釣魚槎

辰州道中

水驛沅陵迴紆迴出界亭五溪春漲惡二酉亂峯青瘴雨洗
銅柱蠻煙生玉屏莫嫌搖俗俚乞句識昌齡

過洞庭湖望君山不得到

君山山色何蒼蒼浮雲積翠湖中央青縈一髮影初起倏忽

變滅雲迴翔春風搖蕩浪花惡扁舟一葉空睇望成峯成嶺
看不定任令橫側隨低昂我聞堯女昔經此幽蹤縹緲留仙
鄉雙鬢戔戔自朝暮日臨霜鏡窺新妝君不見大李將軍善
圖畫長江絕島真荒怪又不見晉卿下筆如有神煙江疊嶂
尺幅新人聞此境那得有我今所見同平否劇思寫取一圖
歸嗟無二子丹青手

汪三益

字得朋號晚香仁和人乾隆
癸卯舉人官廣東新興知縣

吳振械傳略晚香年丈年七十餘始注選到官未久而
歿詩未見全藁所錄數章先大夫四十年前篋衍所存
也

越寓漫詠

碧天雨霽落霞紅閒向庭前洗翠桐
薜荔牆低先得月菰蒲水闊晚多風
愛佗酒力愁能遣愧我詩才窮未工
更啟雙扉

天際望小蓬萊在畫圖中

周

昶字天朗號再庵錢塘人乾隆癸卯舉人官餘姚訓導著瑞石山房詩草

暮春買舟之龍游

鼓櫂驚殘夢推篷已數程日華收海氣風力助江聲灑落男

兒志飄搖旅客情短長亭過盡遙見富春城

七里瀧中路舟行此乍經帆連千片白山擁萬重青軒冕歸

諸將江湖老客星釣臺高峙處矯絕想鴻冥

張國華

字蔚文號蕪客錢塘人乾隆癸卯舉人兩淮候補鹽大使著就山老屋詩略

吳振棣傳略蕪客年丈事母甚孝方需次淮壩以貧不克奉迎時時嗚咽不自勝淮鹽悉竈煎恆受制于商人戶益貧鹽益苦蕪客閔焉凡老幼之飢寒者病且死者撫卹之必周攝富安梁燊篆數百千竈戶望之如慈父母

半城題壁

行行乘暝色一徑入巖阿
飢馬齧槽急荒雞上屋多
廢城無擊柝殘月忽橫波
永夜挑鐙坐明朝欲渡河

過嶧縣

僮僕催人起征輪破曉行
寒星懸樹影殘月迫雞聲
衣冷疑無絮山多半入城
江南看已近馬上數歸程

葉龍官

字瑞圖號榴莊錢塘人乾隆丙午舉人

題顧萊厓攜筇泰岱圖

海內鎮五嶽泰岱為之宗
金庭與玉堂往往留仙蹤
先生手攜七尺筇振衣直上凌蒼穹
齊煙九點指滅沒滄海一氣浮
空濛天雞高唱海日出但見金烏照耀扶桑紅
有時膚寸白雲起頃刻霖雨周寰中
徧探七十有二峯歸來吐氣如長虹
興酣落筆賦游愿滿紙浩浩生天風

題棗厓鼓柁黃河圖

黃河遠落青天外，劃破鴻荒分兩戒。龍門突兀鎖桃花，一綫
洪波走東海。棗厓先生詩壇雄，目觀萬古開心胸。乘風破浪
丈夫志，孤帆一片凌長空。盈盈帶水安然渡，回首蒼茫辨煙
樹。東南一髮天際橫，故鄉知在雲深處。酒酣獨上黃金臺，山
川四望青天開。填胸浩氣落詩筆，一樣黃河天上來。

錢本禮

字容臺，號養初，仁和人。乾隆己酉進士，官湖南茶陵知州。

朱核傳略：養初，成進士，後出宰百里，歷任昌黎、交河、內邱、茶陵、膚施諸州縣，著有政聲。

中秋日姚春漪招集琴臺

去歲中秋月圓圓，正憶家今年好風景。永夕話生涯，星斗一
天燦。笙歌別院，譁踏鐙餘興，在韻事豈嫌賒。

陳修可

字願亭，號又村，錢塘人。乾隆己酉舉人，官歸安訓導。

黃書厓招集翠雲館觀錢籜石先生水墨芝蘭分韻

如入芝蘭室而無水墨痕壽潛饒有意香祖澹忘言讀畫添

吟興開筵共酒尊遙思揮翰處雲繞萬松村

題柳陰閒憩圖

披圖豁雙眸佳趣誰領受盈盈一帶流青青千片柳

之子風流甚翛然滌素襟纖塵都不染妙悟到秋陰

野徑無人處柴桑屢往還古人不可作獨坐自蕭閒

長條踈地垂每惜年華逝浮生半日心相與此時憩

周由厚

字恂士仁和人乾隆己酉副貢

杭郡詩續輯恂士弱冠勸學知名最早擁皋比垂五十年弟子經其指授先後掇巍科有成名公卿者秉性澹寂凝塵滿室翛然危坐未嘗見其手一編也揮塵論文淵懿爾雅詩書之味盎然工隔句四方踵門求為序記頌誄者無虛日生平雅不欲以文章自見且多代擬故削橐輒棄弗存嘗樹萱于北堂因以自號學者稱樹萱

周由厚周大受

先生

山寺晚鐘

幾杵疏鐘出翠微
蒼茫煙靄半斜暉
白雲何處鎖經院
青豆此時扃竹扉
嫋嫋漸催涼月上
迢迢如遲遠僧歸
守詮詩句清于水
不覺行吟露溼衣

周大受

號可亭錢塘人乾隆壬子舉人著聽雨樓詩藁

沈維鏞序略可亭先世業儼君壯歲踵其事以公恕為眾情折服太守某非幹才而嚴於緝捕激變聚眾至二千餘人勢洶洶當事議請兵合勦君力止之論出其魁十人論如律而事定咸服其神

春郊晚歸

臨水幽居半結茅
一筇詩思度晴郊
嵐光滴翠迷松色
春雨扶青上柳梢
莫道俗情多變幻
已將世事屢推敲
他年編屋飛仙里
可有陳人笑繫匏

暮入樓霞嶺

一路踏青翠已到樓霞口澹月赴松煙春風拂楊柳清游未
云倦解錢買清酒此樂亦千年傲彼漆園叟

愧非

愧非彭澤令吾亦愛吾廬繞宅梅兼竹論交樵與漁奇書圯
上讀短髮月中梳軒冕心無慕田園樂有餘每因春釀熟來
醉夕陽初圓割庾郎菜溪又辛氏魚不須求勝味已是快閒
居野叟邀游寺鄰人肯借驢嵐光青未了塔影畫何如盡日
幽情暢歸家俗慮祛夜窗高枕臥底用夢華胥

姚

禮字聽泉仁和人乾隆癸丑
進士官廣西容縣知縣

舟行過雨

尋春春已去水面滿殘花古戍單雙堠孤邨四五家帆遲愁

帶雨林破遠藏霞可信明朝霽隄槐暮噪鴉

許心坦 字可白號亭史仁和人乾隆甲寅舉人官慶元教諭

杭郡詩續輯亭史有伯倫之好花酣月大輒攜杖頭幾
拉故人泥飲酒家居京師時有友死于酒者為文弔之
詞極詭麗為時所傳誦一日徘徊僧寺適伯相國麟至
僧摩使避去相國問為誰因以姓名告相國驚曰許先
生耶吾願見久矣亟遣僕馬邀
至第中張燈命酌相得甚歡

同人也園小集分得新字即東松屋主人

繡谷有別業結構居南鄰門前古藤樹尚孕瓶花春瓶花齋
已圯前輩蹟久湮茲園得賢主重闢壇坫新山石鬱蒼秀花
木滋輪囷招要及吟侶晤對抒天真崇朝樂觴詠結契忘主
賓吾鄉盛文物十社湖山濱風雅幸不墜挖揚資扶輪

周喬齡 字耐士餘姚人乾隆甲寅順天舉人著楚游草

貴溪道中

挂席貴溪南春晴氣漸酣菜花黃石谷松影綠琴潭

石谷琴潭皆所

過地名地勝人鍾傑山平土作甘前朝議河套婦豎尙能談

顧光烈

字開周號楓林錢塘人

汪欽淑曰楓林賦性高潔恬澹寡欲幼讀書不喜章句之學惟研究六書篆刻凡有所作精心扣擊必窮極其根源務取合于古人遇會心時始奏刀砉然故求之者不可驟得家素饒于貲後中落又善病然澹泊自甘屏除塵累非知己卽壽以多金不輕受晚得異授鉤稽王邇之術其推算刻應無不響驗

題朱簡印譜

請業趙凡夫頗得草篆法一變文與何印人此其甲寸石莫輕棄慎守珊瑚匣大白勢欲飛小朱力非怯燦燦芝泥紅雙龍破玉峽遐哉修能子牛耳血爭歆

諸以培

號勸齋錢塘人

題孫雪帷韻竹詞

錫

朝游罨畫溪柔櫓翦寒練風篁時弄響梅花白如霰開君一卷詞竹素託深眷君才豔於雪跌宕壓羣彥凍雨夢湘江橫琴拂瑤薦寫之烏絲闌一字一黃絹費洲咫尺閒漁笛譜誰見冷然吹雅音此時讓君擅

王

錚

字鐵邪號儻園錢塘人官

杭郡詩三輯儻園淡于榮利詩外一無嗜好筮仕中州一攝歸仁巡檢有惠政地衝要苦于迎送長官拂衣而退窮巷蕭然優游頤志壽至八十其詩以情韻勝

題周芑園尋梅小影

同雲障遠峰玉屑飛林屋晶光積滿庭往夢懷清淑

芑園時適悼亡

念彼嶺畔梅破臘舒芳馥清寒特地探塵俗謝魚鹿君本豪俠儔云胡戀幽獨豈因姑射姝不見紅生肉于焉冰雪中一躡孤山麓圖此寓微旨行藏堪自卜窮陰歷歲寒好待春回

燠行行聞暗香可以豁心目

王

錫

原名恕字心如錢塘人候選同知

丁申日心如家饒于贊樂善不倦凡普濟堂育嬰堂諸務大吏咸委之增貢院號舍千餘間獨肩其任其德掩簪修路撫恤貧窮所費不可勝計咸以王善人目之

余家寶月山側卽元富子明有餘清樓舊址明瞿存齋

其館甥也嘗寓樓上成西湖十景詞

烏龍潭畔好樓居鐵笛吹來清有餘回首西湖舊風景恰思歸理讀殘書

王

槐

字茂階號丹生錢塘人著廢莪室詩草六卷

李堂序略丹生僑寓婁水家極窮困閒歸故鄉棲止無所向依道士沈祖喬居天后宮一時魁奇才行之士多與之游贈蒼往來幾無虛日梁山舟學士書秋鴻館榜其寓齋青浦王述菴司寇稱其詩出入于賈孟皮陸大抵窮愁酸楚之聲居多

八卦山行 并序

朱明府瀾字瀨浚仁和人由臺灣府經歷攝彰化縣事乾隆乙卯正月鳳山縣民陳周等聚眾焚掠于三月十三日陷鹿仔港逼彰化彰化無城可守時副將張某游擊陳某屯兵八卦山山距縣五里明府命子兆嗣請救不應復自往痛陳利害至于泣下二弁不爲動賊已蜂至攻八卦山兵潰明府與張陳同時被害夫人沈聞變率婦魯女羣姑投水遇救復率婦女投繯獨夫人得街長妻蔡救不死與夫阿柳王妙等收遺骸斂之是役也明府以離城守格于例不得請

卹惟其婦及女獲邀

旌典因作此以待采風

搜羅金穴窮膏腴，鋌而走險森戈戩。倉皇勦撫俱失策，逸出
傍縣遭焚屠。八卦山前列旗鼓，握兵觀望散部伍。斷指淋漓
語未終，賊眾憑陵氣如虎。怪雲壓陣乘長風，將軍駢首縣令
同摧枯。拉朽一軍覆，握拳嚼齒真人雄。夫人聞變起嗚咽，義
激蛾眉慘無色。拌拋骨肉付波臣，忍將紅粉膏鋒鏑。宛轉波
閒死，未能投纜先後魂。冥冥捐軀一日靈，旗動戰血千年鬼。
火青天慰孤忠，留一綫郎君母子重。相見慟哭還疑夢裏逢，
急收殘骨歸鄉縣。簪筆儒臣重策勳，魚軒象服表貞魂。鄙夫
誤公失死所，精靈夜夜哭幽墳。我作公詩奮直筆，紙上霜飛
聳毛骨。韜軒他日采風謠，會將公事排

天關

支

元

字善甫
仁和人

冬日書感

凍雲吹不散，曉警朔風寒。
釀雪天如醉，懷人歲欲闌。
離愁催客鬢，壯志誤儒冠。
幾度探梅信，巡檐索笑難。

贈沈道士

蛩噓金井闌，秋聲逗虛牖。
鐙搖瘦影紅，夜坐把尊酒。
飄泊慨浮生，苦爲飢驅走。
故鄉偶歸來，喜晤談元友。
相與盟歲寒，論交得耐久。
丹房許棲遲，風雨一椽守。

春陰

堆絮頑雲樹頂浮，晶窗黯黹上簾鉤。
煖融花蕊紅初綻，潤入莓苔綠更稠。
香篆飄殘疏未歇，游絲空漾去還收。
海棠新植牆陰側，乞取應須幾日留。

謝廷燮

字陸瞻
仁和人

恩重

楊振鐫曰謝先生事蹟未詳讀有正味齋集有老友謝
陸瞻來京赴于叟宴于其歸也賦詩為別云春風故國
勸行驂日下昔英喜盍簪卅載我會陪硯北一星君已
應弧南情深憶每童心觸

歸和老輩談此後好惡靈壽杖真形五嶽按圖探玩詩

意穀人祭酒少時會與同學又按嘉慶七年梁山舟學

士諳公呈舉府仁錢三學灑掃職先

生名亦與焉計其時年八十有二矣

乾隆六十一年與于叟宴恭紀時年七十有五

尚齒

恩言禮數加昇平人瑞集休嘉薇垣日暝恆春樹蘭苑風搖

益壽花瑤爵頻斟香浥露雕文壘

賜綺飛霞小臣戴

德歌無斃忭舞長賡復旦華

王廷璋字德威仁和人

烏瞻山

絕頂孤峯俯碧流片雲猶為故人留松杉半挂千林曉薜荔
高懸五月秋地控東南湖水闊天連吳楚洞庭浮陰巖突兀
何由到只有寒鴉在上頭

王夢熊 字渭師 仁和人

過跨下橋有感

每懷王孫餓詎是漂母慈丈夫不自食姑以飯愧之果腹不
知醜俠士所誚惡吐之出跨下亦以激其怒取履良有謂辱
跨豈無因倨侮與款接幻疑出一人吾欲鑄少年黃石同配
饗大恩與大仇成我原無兩淮水日湯湯英風同一仰

戴鎬 字肇周 仁和人

夕陽同鮑淥飲作

有客憑闌豁倦眸西風殘照正當樓遙添山外千重翠別是

詩中一種愁高下雲帆爭破暝參差煙樹遠耐秋不嫌寂寞
黃昏近更上湘簾綠玉鉤

周

整

號頓菴仁
和諸生

汪啟淑曰頓菴賦性聰穎童年對客揮毫操觚立就老
師宿儒皆憚之好爲古文辭及六書之學與穆門徵君
京爲雁行相與切磋討論譽隆隆日起文奇奧探峭有
孫樵劉蛻風不耐場屋絕意進取彈琴詠詩寄情篆刻
逍遙自適晚耽禪理壽至八旬

玉界尺歌

玉界尺溫潤而方直史贊梁朝趙延吉吾聞君子玉比德尺
寸之才豈其匹堅剛表其度特達空人羣大器重名貴美質
昭溫文胡爲乎唐除太常卿入梁復策名兩登廊廟四退山
林瑕瑜不相掩圭角非大成守貞不字豈若此美玉求沽非
佳士枉尺如何望直尋白圭有玷良可恥

王又曾

字世綸
仁和人

過江郎山

傳聞仙迹杳難逢此際憑虛一望通
分合祇緣山向背轉移仍似灑西東
九華列就都成幻二別由來欲並雄
切莫攀援最高處恐驚星斗落寒空

馬

珩字古春仁
和諸生

登日輝山

健步躡巖磴飄然絕翠蘿
泉聲修竹亂雲氣暮山多
藉以豁胸境因之發嘯歌
嵐光看不盡其奈夕陽何

蔣承培

字器之號味
村仁和人

楊振鏞曰蔣君有自述詩云布衣無善計安貧聊自慰
忘卻世俗情領略煙霞氣詩卷摹放翁畫軸臨米芾對
月招朋飲裁花呼童翫落拓性自成寫出味
村味雖行歷無徵雅致高懷可以概見也

西溪泛舟

閒來何處說幽衷多在逍遙澹泊中最活潑惟山下水極清涼是雨餘風舟因不繫成無礙雲爲能閒見化工此段風懷難刻畫卻教人世問漁翁

戴光會

字松門嘉興歲貢
著從好齋詩鈔

府志光會耿介不事干謁
書法出入歐虞腕力清勁

訪雪香主人晤嗣君夢花少年雅士也賦贈一首

東風吹我袂雨過生眾綠言尋隱侯居一櫂入谿曲登堂喜開樽酌以新豐醪修竹遍疏籬梅花繞茅屋主人旣風雅令子更超俗有聲畫堪賞無聲詩可讀書法道以勁琴音斷還續夙擅四藝長交情兩世篤况君年尙少才地誰能域殷勤話舊歡蓮漏轉相促一鐙淡無言襍被山房宿

夢花能書畫
工詩尤精琴

理

常山道中

燕雀忽無聲蒼鷹下越城秋風見毛羽落日萬山橫

褚令德

號集齋嘉興諸生著一斑集

徐錫可序略集齋少承家學工韻語卅角卽成羣玉小草後館於鄉著耕硯餘事飢驅游楚有驛路行吟信芳斑客中與錢塘張仲雅孝廉相酬唱稱莫逆交

題戴秋水先生畫竹

畫竹難畫節此語人能知有節斯有竹此理人盍思粗枝大葉亂揮灑不值先生頤一解先生節苦心愈甘養晦不知名可貪有時芒角酒腸出化作幽篁自怡悅只今見竹如見人竦節玲瓏勁於鐵唯耽苦節譽不喧唯有勁節人終傳此幅寂寞七十載珍異乃得城北賢徐公不畫識畫理手抱琅玕

選詩史蔣山雄秀

謂華隱

曹牆堅

謂種水

各有千秋匹秋水我未

學畫詩未工枉對峻節懷高風年來一事略相似筮得坎艮

求多蒙

王

錦

字綱尚秀水人著蘭堂詩草

王以銘序略綱尚工詩簡勁流逸各極其勝剝蝕之餘僅存十數篇殊堪珍惜

題陸氏草堂

草堂成小趣塵俗漫相干地僻容人問書藏借客看煙雲三

徑足風雨一鐙寒聞說春潮發還期理釣竿

計飴孫

字辛畬秀水廩貢著辛畬書屋遺藁

有益齋詩話辛畬詩承家學清蒼道勁出于儕輩

和陶咏貧士

狂風吹大木眾鳥將安依園林成墟莽桑榆淡斜暉天宇何

寥廓羽倦難高飛朝爭雞鶩食暮逐牛羊歸餘糧棲隴首歲
晚可療飢鴻雁在中澤鳴嗷何其悲

少年裘馬歸閭里羨高軒惟此螢獨士守拙歸故園榮枯觀
物化過眼皆雲煙啟篋得殘帙手自研丹鉛車笠不相下古
人同晤言時復傾杯酌酒中有聖賢

焦桐在爨下人誰識良琴中郎去世久忍復言知音遺珠淪
滄海舉網安能尋無財罹眾謗有月伴孤斟陋巷多佳士要
非時所欽塵鏡試拂拭庶幾鑒素心

孟

彬

字均之秀水貢
生著賦魚齋藁

復雪

雨止風逾嚴布衾冷如鐵遂令滕六驕復此一夜雪晃朗曉
窗明迷漫遠山滅凍雀聲轉喧疏篁勢欲折年豐幸有兆

咸苦益烈擁絮坐躊躇流年感忽忽

朱挺之

字彝上海鹽諸生著鄂怡山館詩鈔

縣志挺之性孝友父歿每哭嘔血升餘母患肺疾咳嗽不能出口輒以舌吮之與弟方增友愛甚篤數十年如

日一

曉發海潭

大落見山腰天寒水漸消波澄溪澈底風勁樹鳴條倦客猶
高枕扁舟過上饒湍流如箭激曲岸似弓弨地僻禽魚樂霜
高鷹隼驕白浮邨店酒綠徧野田苗石屋瀕河小篷窗遠市
鬪解鞍纔幾日理櫂又今朝鴻爪重來認萍蹤一去遙馬頭
人擊柝牛角客縣瓢古渡梅傳信空江雪未飄前程千萬里
投筆慕班超

王

綱 字秦望海鹽諸生著小學齋詩

題甫里先生集

平生雅愛天隨子落拓江湖頗自如吟遍漁家十二具始知笠澤有叢書

晚唐詩老推皮陸澄澹如公更可嘉今日三高祠下過野風

開遍白蓮花集有白蓮詩

馬用俊字履常海鹽人著棣華聯吟集

徐熊飛序略君與兄應篋篤友于之誼對牀風雨以苦吟為事其詩皆高古超潔不落浮豔而咳蘭之思蓼莪之痛孔懷具爾之好尤長言永歎反覆不能終極焉

山館納涼

眾壑生暝煙夕陽下西嶺開軒納晚涼獨坐惜清景露繁竹有聲月淡花無影空庭爽氣來萬籟一時靜

歸自橫山與張念修洗枝昆季誌別

西風無力送歸舟一櫂夷猶逐水流
漁網參差斜照裏酒旗搖曳小橋頭
劇憐歧路重分袂無奈遙天各倚樓
欲慰高堂念遊子敢因舊雨久遲留

吳無忌

字慎之石門諸生著蕪渚詩鈔

朱一慊序略先生遊歷西江關山險阻備嘗艱苦其發爲吟詠和平樂易絕無噍殺之音

登滕王閣有感

君不見章江之水自南來奔濤洶涌不再回
艤船一帶百千數江風初起帆爭開
秋屏寂寂對人笑世事如舟胡不弔
只附一日好風行不慮彭蠡風忽掉
我登高閣思悠悠倚欄長嘯煙波愁
帝子富貴竟何在卽今惟有奇文留
三王馳名序第一昌黎作記復堪匹
造物往往亦忌才千秋莫禁如椽筆
西山雨南浦雲景物依然妙入神
我歎江流晝夜逝慨然有

感誇壻人

潘潛昭

號礪菴平湖增生
著礪菴老人吟藁

秋夜懷友

窗竹忽鳴秋愁思起遙夕獨寤對青檠長吟空自惜明月鑒
疏帷寒蛩泣幽石念我素心人無由共瑤席

許之愷

號莓磧平湖諸生
著聚花居吟草

東湖泛雨

陰凝湖上放輕橈村樹迷濛極望遙兩岸溼雲低野渡一篷
疎雨趁春潮煙中清磬出孤寺畫裏綠楊圍小橋不見滄洲
鷗鷖跡萋萋芳草暗魂銷

朱紹穆

號厚菴桐鄉諸生
著澁花莊吟草

聞雁懷青岑

高閣月正午南來雁一聲天涯有孤客千里苦長征鄉信經年滯離愁觸緒生何當逐陽鳥歸話夜窗明

岳鄂王墓

誰忍偏安促罷師空將碧血化南枝魂歸應羨于忠肅猶見君王入塞時

汪誦棻

字香晚淮子桐鄉人錢塘籍著秋蟾堂彙

杭郡詩三輯香晚淡於榮利不求進取尊人小海明經老病言蹇行躓動止需人君左右就養僕妾之事皆躬親之蓋有所指使非君莫能也卒以哭父一病不起其孝如此

竹林寺同人賞菜花

分得鄰畦數畝黃燒猪還借贊公房不辭種菜英雄老博得花前醉幾場

紛紛桃李幾人看此味何時一飽餐黃蝶野田風趣絕夕陽

紅處畫應難

沈

浩

字夢花，機鄉人。著《凝碧軒遺藁》。

宋咸熙序略：夢花天姿穎慧，工書畫，善鼓琴。以其餘閒肆力于詩，詩筆秀潤，駁駁入晚唐之室。

夜醉口占

明月滿高樓，長空一望秋。
酒新宜薄醉，詩苦為閒愁。
桂子搖疏影，芙蓉映碧流。
平生嗜蕭散，有夢到沙鷗。

舟次硤石山旅宿

停舟晚山下，落日沈秋水。
數聲欵乃歌，榜火亂漁市。
殘月初挂樹，疏鐘響何處。
起看煙霧消，爰山一角露。

客夜偶成

花正開時人未回，對花無語自徘徊。
關心一夜東風急，又寄愁心在落梅。

陸載熙 號寅齋烏程人

擬古

過雨蒼煙開寒流自然綠所思期不來迎風溯芳躅我欲褰
夫容因之寄心曲江漢阻且修長天倦遙矚

別燕

相聚無多別有期生涯與我共差池不堪霜月仍歸路應恨
鶯花少故知到處青山誰是主望窮滄海竟何之玳梁爲爾
留殘壘芳信回時來莫遲

盧登焯 字震滄號雲船址子郵人著鏡竹軒詩文集

縣志登焯爲倪象占門下

士善畫山水筆意蒼秀家傳略公善書畫兼工金石以布衣遨遊大江南北揚
州太守耳其名聘修郡志後輯全唐文及江南通志公
皆與編纂之任著有閣帖考日課編金石綜考

端陽懷古用陶靖節擬古韻

浩浩長江水青青汀邊柳茫茫千載前令節因人久我讀離騷經靈均盍尙友至今端午日臨流奠杯酒鬱鬱宗國心誰忠不孤負所見雖不曠寸心獨堅厚楚宮已泯沒汨羅爲誰有

周沛蒼

字沛蒼蕭山人山陰諸生著綠渠詩草

過茆庵道者

榭閣秋先到悄然風入柯遠謳聞海嶠微影漏天河盤礴解衣坐逍遙曳杖歌疏林蕭蕭歇明月在藤蘿

東沈引員

不知生理窄白石煮南山傍樹難分蔭攜雲得其間舊詩存竹筍清夢足柴關屋下藥苗綠叢生應未剛

褚錦春

號秀野餘姚諸生著
梅花書屋詩二卷

重九崧山紀遊

庚寅之秋日重九褰屐風流來谷口爲逢佳節卽思親相與
登堂拜慈母時余昆季三四人別後情懷各分割東籬歡聚
小開筵短髮飄蕭對樽缶何來剝啄門外聲登高去去叩須
友柔櫓輕橈駕木蘭蒼葭綠葦閒疏柳崧山突兀望不遙殿
角參差出林藪聯袂同將彼岸登追隨試覓禪關叩長松翠
竹選佛場虎嘯龍吟獅子吼入門未暇參枯禪禪堂卻遇丹
青手爲言此會須作圖勝地良朋胡可負自是僧繇有豪興
纔說游山先擁帚峩峩傑閣插山腰磊磊煙巒拱松牖攝衣
緣木步始開到此精神咸抖擻列禦寇方御風行而我居然
瞠乎後槃珊亦旣陟危巔一覽晴空絕塵垢察山千仞聳自

東劔江一帶環其右南列芙蓉七十峰北望木棉一萬畝崇
阿道是秀王陵六百年來誰與守生前赫赫沒則已富貴浮
雲竟何有俛仰上下同嗟吁日薄崦嵫暑在酉下山不似上
山難矮樹杈極時掣肘臨歧分袂欲言歸壞色衣人須已久
相逢徐入支公房茗譚款款情彌厚不用茱萸酒不用芳菊
糗大烹露下葵絕勝春初韭俗客漫擾香積廚晚飯應教腹
虛受坐對僧家并畫家此日遭逢卻非偶圖成秋山古寺兩
不朽定使來者披圖認某某

贈別史雪濤明府之官山左

絮語無妨俗態祛不堪契闊廿年餘平生晤對常歡若耐久
情懷總淡如旣仕要登循吏傳此身喜近聖人居何當慰我
天涯望北雁秋風一紙書

何柏章

字梁器號璞齋文
長子臨海歲貢

縣志柏章恪遵家學手不釋卷晚錄台人詩成十八卷
曰台嶠詩存各撰小傳詳其出處詞旨可觀又著有浙

江通志訂謗補遺二編
援據精當借俱未梓

贈宗意園郡伯

天台仙吏郡况復遇循良洞口花常發溪流水帶香秋高雲

滿岫夜靜月為霜遙憶澄清者悠然見德光

何栢章

字讓木紘度孫文
銓長子臨海廩生

縣志栢章為人坦易有至性文筆矯健弟楷章嘗以事
羈武林病劇栢章聞之即馳往視晨夕視曰吾弟方盛

年不可死願以身代及至杭弟愈而兄卒
果如所祝楷章撫兄子如子人稱兩難焉

清聖祠

祠祀夷齊以唐司馬承
禎及台郡名賢為配

覽勝金庭山弔古謁新祠巖巖墨胎子遺澤芬在斯載詠黃

農歌醇風其可思議國迹非高叩馬辭豈危聞聲多良士身

世無詭隨終南羞捷徑甯被榮利羈嗣此益純篤言矩而行
 規出者為名臣處者亦名師升祔一堂中名教相與持我來
 薦溪藻再拜當前墀顧瞻榱桷間宛有黃雲垂三井何淡淡
 九峯何崦崦江河日以下孰與前修期臨風浩長歎清響落
 松枝

何楷章

字式如號慄齋文銓五子臨海人乾隆丙辰舉人官安徽青陽知縣著燕筑吟一卷

縣志楷章博學工文以春秋登賢書主講近聖書院學
 者多歸之郡舊有察院基為副將作演武場眾議改建
 校士館副將某不從楷章力持之事乃成今校
 士館即其地也後授安徽青陽知縣未任卒

偕兒游躍龍山

城南散步雨侵衣石磴盤空上翠微佛地清幽連古堦仙關
 寥寂鎖雲扉薛封殘碣人何在溪結危橋鳥獨飛指點前峯
 更深秀還懸筇竹破煙霏

許傳考

字作人號毓文天台諸生著東園小草

山房卽事

雨霽晴雲出開軒挹彩霞竹籬延日影石檻碎風花語覺黃鶯鬧歌疑白苧誦春閒無箇事呼僕煮新茶

王作賓

字客周天台人

鎮福禪院

峯峯環一寺盡日白雲封僧屋草痕滿佛堂燈影重煙林千畝竹風雨半樓鐘最是蒲團夜空山聽萬松

樓廷奐

字文有號月江東陽人

樓上層日月江讀程朱書務崇正學遇有為佛老者必辭而關之性沈靜鬚眉朗然詩主以理勝可歌可詠辨厥旨歸居然風雅余每與聯句月江不善飲而把盞臨風興會波譎雞鳴始罷今讀其集猶不忘題衿衍篋掀

髯一笑時也

過金氏廢園

何處池臺有荒園茂草存舊時瞻勝蹟今日見孤邨石淨松
吞路垣頽竹候門只應池上月猶憶酌芳樽

鄭遵兆

字永行浦江人著樂清軒橐

寒夜

天寒夜更長獨坐發深省翦燭理殘書炯然見孤影黃鵠周
八荒青松自一嶺四壁喧秋蟲我其貞以靜

陳景初

字二梅山陰諸生官四川南都知縣著湖海交游館詩集四卷

陶潛宣曰君少有豪氣喜交游與王笠舫商拜亭尤契
唱和無虛日後客邗上從洪稚存先生游學益進吳會
知名之士把臂爭交君喜談經濟常謂丈夫生世大小
當有以自見遂棄舉業謁選得官初莅南部卓然有政
聲奉外諱歸以憂卒詩長於七言歌行七律縱
筆揮霍如其人而婉至達情亦復淵然足諷

王仲瞿孝廉

巽

住穀城之明日以隻雞斗酒合琵琶三

十二絃侑祭西楚霸王墓下有詩記事寄韻奉和

不屑鴻門殺沛公千秋霸業擅重瞳本來亞父無奇計翻使
王孫有雋功地失東西分楚漢世多成敗說英雄天心人事
都難料回首咸陽烈焰紅

叱咤風雲一剎那王郎斫地奈愁何尊前幾許雄心滅垓下
如今鬼哭多百戰淒涼呼子弟八年慷慨認關河美人不解
興亾事尙撥鷓絃作楚歌

感懷三首卽以留別邗上諸子

欲別戀知己不歸思故鄉臨行無一語回首已斜陽白鳥到
天盡蒼煙出岫長誰家吹夜笛去去斷人腸
年少飄零暫人情閱歷稀江光寒色動劒氣壯心違聞有移
家歎眞成泛宅歸飢烏爾何事只傍短檣飛

滿目清秋景，愁心漫寂寥。
關山收鼓角，樓館接笙簫。
問信來三楚，從人話六朝。
向來投筆意，無復狎漁樵。

懷杜閣

高閣懷工部，臨風思惘然。
憂危唐社稷，奔走蜀山川。
詩史千秋筆，孤身萬里船。
青鞵南下越，披像憶當年。

思白堂

太傅風流甚，蘇城五馬遊。
時將長慶體，分唱小橋頭。
江上青衫溼，湖西翠黛愁。
至今香火社，遺愛此閒留。

仰蘇樓

赤壁吹簫去，青天把酒來。
山塘有明月，曠世此奇才。
熟讀公文少，登臨我輩哀。
寒泉薦秋菊，悵望好樓臺。

舟中奉懷曾賓谷師

揚子江頭水春來遍綠波鄉關回首隔客路感恩多略分如
公少離愁奈我何平生學書劍深恐兩蹉跎

明月三千里春風廿四橋依公如昨日作客始今朝夢裏經
瓜步尊前折柳條玉鉤斜畔路不忍聽吹簫

途次述懷八首和笠舫

錄二

搔首南天有所思香爐秦望自逶迤一官落落羈棲處八口
嗷嗷待哺時對酒只邀明月坐論心原許白雲知他年走馬
蘇臺上閒聽楊枝與竹枝

四月何當戀敝裘恩恩騎馬與乘舟歸心空際飛難穩客況
貧中話轉羞寸草敢忘春日永百年不盡異鄉愁思量未報
親恩重振觸天涯淚獨流

棧道雜詩

前山復後山莽莽太古雪
雪深策馬行馬足補石缺
一日寄
一生羊腸險百折道旁枯
髑髏何年颺颺穴刺石出
細花爛
斑紅染血

地無三里平天無三日晴
此語聞之熟客子心魂驚
山多易
成雨一雨東海傾銜尾虎
渡河風來搖石城土人不
畏虎時
傍虎口行以此語家人性
命鴻毛輕

樹上兒嘯聲四足駭溪魚
豈敢啖人肉憎此聲形殊
人生不
涉險安見蒼蒼虛再拜訴
上天名山歸吾廬

山人愛穴居乍見面焦黑
終歲不出山畊田自食力
牛羊屋
背眠人行綴衣蟲有時大
風來勢可驅之逸須與復
上山一
笑百憂失

二月草不青春風何時來
江南日以遠不見蓬萊臺
青天萬

星月曾照蛾眉開杜宇鳴一聲頭白征人哀

下馬擊短筑請歌蜀道難蜀道不盡此千古無人歡少小苦
奔走中歲凋華顏春和鼓萬物我空游其間行行重行行遊
子鬚眉寒

眉州謁三蘇祠

蠻煙蜚雨不勝秋回首桄榔念昔遊萬里江山都入畫百年
憑弔獨登樓分明吏隱遺殘夢若有仙人坐上頭未得吹簫
來赤壁平生珍重此扁舟

稚存夫子招同趙觀察

翼

朱方伯

勳

集更生齋留別一

首

江上春帆昨夜收日歸未許買扁舟偶同萍梗因風聚擬傍
仙人跨鶴遊彈指何當悲白髮拍肩無計問丹邱蛾眉月色

天山雪一樣難銷萬古愁

潘

朗

字鏡夫號簪槎餘姚諸生著楚游草

和胡鈞侶見懷四章錄

萍跡隨風轉淪飄閱歲時交情貧後見鄉味客中知礎響暮
偏急雁聲秋更悲惟教天上月兩地照相思

荊州

千山盤鬱抱荊州木落江城接素秋宋玉宅邊衰草合楚王
臺畔暮雲收水痕滿郭憐沈竈乾隆五十三年大水淹州城烽火連年逼
戍樓風遞角聲斜照外一關蕭瑟使人愁

入峽

挂帆遠溯西江流蒼茫雲物荆楚秋三分割據英雄杳神功
疏鑿千載留奔流屈曲飛匹練聲吼雷霆天一綫亂峯高插

青冥穿古木懸厓雲百變中流怪石碁布聯鯨噴虎踞雄當
前百丈遙牽竹篙亂鳴金擊鼓聲誼天金鼓聲中浪花舞天
涯客子家何處清猿嘯斷神鬼愁虎臂羊腸鎖陰雨大江終
古來峨岷芷蘭楓葉秋復春青絲白盡多少客有鳥高飛自
閒適

朱新沛

字漢封號韋亭上虞諸生

緝雅堂詩話韋亭長于律體鳳鳴山云繞樹流水無晴
雨入戶闌雲自古今彭蠡湖口云黃茅深處藏漁屋白
鳥飛來蹴浪花亦楚楚有致

山居

地僻人經少幽居愜性情到門無俗客入夢但松聲移石雲
生袖烹泉月在鐙羲皇真可傲何必慕簪纓

秋夜雨中獨坐

四壁蟲聲不耐聽那堪夜雨又飄零搔頭短髮數莖白照影
孤燈一點青礪魄欲消誰命酒牢騷難遣更聞鈴秋來宋玉
原多感何況瀟瀟在晦冥

謝

偉原名天授字偉才
號容齋上虞廩生

樊江舟中

日出樊江渡春風滿畫船點篙波穀碎拍岸浪花旋烏鶻倚
孤客綠蓑披曉煙故園何處是翹企白雲邊

陳

濤字訓齋上虞諸
生著曉園詩存

春日同諸六泉胡我真至雲居菴訪汪金書時金書讀
書菴中

著得尋山屐緣溪曲曲行巖懸藤倒掛岸仆樹斜生空翠飄
芳殿晴嵐繞畫楹嘯鶯聽未已清磬又聲聲

同是風塵客，憐君住翠微。山深人迹少，春老落花稀。簾密雲徐入，庭閒鳥倦飛。夜來萬籟寂，明月滿窗扉。

陳

本字思培，號端崖，上虞諸生。

種山懷古

覽勝登種山，四顧多青蕪。望洋起浩歎，敬弔文大夫。霸才有七術，三術亡強吳。四術不亡越，乃自亡其軀。智哉鴟夷子，一舸浮五湖。

消夏吟

天地爲洪爐，煎人若火化。薰風扇更炎，伊鬱滿茅舍。卻喜清晝長，敲棋消閒暇。新蠟噪高林，午雞蔭桑柘。前途行路難，窮居何足訝。蕢酒還自斟，酣飲不論價。醉向北窗眠，一枕忘炎夏。

謝

礮

字起涓號樂漁上虞附
貢著一角山房詩草

春曉偶成

二月春將半陰凝冷不支山留深澗雪竹引隔牆枝風緊鳥
飛疾波寒魚上遲輸他窗外柳新綠一絲絲

柴扉

隔水雙扉敞邨深樹影交碧憐荒棘蔓紅聽落花敲看雨人
離榻驚風鶴護巢苔痕春又長一碧滿堂坳

兩浙輶軒續錄補遺卷三